



45.

FASCES
CHEMNICENSIVM CONSVLARES
VIRO NOBILISSIMO, AMPLISSIMO, PRV-
DENTISSIMO, SPECTATISSIMOQVE
DOMINO
ZACHARIAE
PLATNERO,
PATRONO ATQVE COGNATO OMNI
HONORIS CVLTV PROSEQVENDO

GRATVLATVR
DEVINCTISSIMVS CLIENS
CHRISTIANVS HENRICVS KOETTNITZ.

HALÆ, Typis CHRISTOPH. ANDREAE ZEITLERI, Acad. Typogr.





Vcunda est natalis soli recordatio, miraque laetitia permulcentur bonorum civium animi, si patriae status est florens & ex omni parte beatus. Ego certe vel CHEMNICENSIVM caussa nunc laetor, talem divino munere illis obtigisse Consulem, cuius maxima rerum gerendarum capacitas optima quaeque illis promittit. Vniverſa PLATNERORVM familia apud Chemnicenses est percelebris, meritisque in patriam cum omnibus aliis certare valet, & Tu inprimis, VIR AMPLISSIME, civium animos adeo Tibi devinxisti, ut certo augurari posſim, omnium obsequia vel ad nutum Tuum fore promptissima. De Tuo in civitatem animo omnes securi esse possunt, dum compluribus iam speciminibus per illud tempus, quo amplissimo senatorio ordini adscriptus es, comprobasti, Te patriam nostram vel propria vita habere cariorem. Sciunt singuli, Te omni semper conatu enixum esse, ut civitatem non modo salvam atque incolumem, sed etiam longe florentissimam videas. Plurimas virtutes consulari Viro inprimis dignas in Te, Maecenas, praedicare possem



fem, nisi offenderem Tuam modestiam, quippe
quam tantam esse scio, ut etiam verissimas laudes Tuas
in vitissimis excipias auribus. Praeterire tamen
non possum arduum religionis studium, quod animo
Tuo firmis innixum est radicibus, sine quo nulla
Respublica potest subsistere. Tollas religionem,
summas habebis confusiones: Pietas contra certis-
simum Reipublicae est palladium, id quod fufius
demonstravit Celeberrimus *Benoist dans ses Remarques
Critiques, Historiques, Philosophiques, Theologiques sur les deux
dissertations de Mr. Toland &c.* Certissimum in Te prae-
sidium habent omnes afflicti, quorum paupertati
succurrere nullo tempore intermisisti. Ipsae Mu-
sae de Tua evectione ad hoc Consularis muneris fa-
stidium exultant, dum omni tempore Te maximum
politioris eruditionis Maecenatem praeuisti, probe
consciis nihil tam ornare civitatem, quam elegantio-
rum litterarum culturam. Laetantur igitur singu-
li cives, Te nunc in tanto honoris theatro esse con-
stitutum, unde virtutum Tuarum summarum splen-
dor magis magisque elucebit: Laetantur ad Te
communis salutis curam devolutam esse, & certi
sunt Tua sapientia prudentiaque longinquo rerum
usu confirmata omnia in civitate pacata fore atque
tranquilla. Ego cliens devotissimus non mino-
rem laetandi causam habeo, cum Tuam felicitatem
tanti habeam ac propriam, alioque proinde illum
diem notavi lapillo, quo nuncius de consulari digni-
tate Tibi delata ad me perferebatur. Officii pie-
tatisque in tantum Patronum ratio exigit, ut inter
gratulantium nomina & meum profitear: Sed ut
gratu-

verum dicam, VIR AMPLISSIME, non tam Tibi gratulor de hac dignitate, quam ipsi civitati Chemnicensi, patriae meae dulcissimae, ob commoda, quae in illam ex Tuo Consulatu non possunt non redundare. Singularem sanctissimi Senatorum Chemnicensium ordinis sapientiam semper suspexi & admiratus sum, cuius vero nunc novum atque insigne documentum edidit, dum suis suffragiis civibus hunc dedit consulem, quem una voce omnes efflagitabant. Summum, quod omnia moderatur, numen per multos annos servet civitati, Musis, afflictis, & devinctissimis clientibus, tam sapientem Consulem, tantum Maecenatem tantumque Patronum: Sero Te in caelum recipiat, ut diu Chemnicensium rebus cum summa prosperitate, quam Tibi ex animo apprecor, praeesse possis. Vale sapientissime Consul, Maecenas colende, cum splendidissima Tua familia, & serva mihi pristinum favorem, pristinumque Tuum patrocinium.



2°

Gb 956,

ULB Halle
001 594 781

3



St 2

Walter Becker
Buchbinderei
Halle, Thüringer Str. 24

VOM



45.

FASCES

CONSULARES

SSIMO, AMPLISSIMO, PRV-

IMO, SPECTATISSIMOQVE

DOMINO

MARIAE

ATNERO,

IQVE COGNATO OMNI

CULTV PROSEQVENDO

GRATVLATVR

DEFINCTISSIMVS CLIENS

HENRICVS KOETTNI^Z.

CHRISTOPH. ANDREAE ZEITLERI, Acad. Typogr.

